

大智度論

第十一

二百九
德一

48847



大智度論卷第十一

德

龍樹菩薩造

姚秦三藏法師

鳩摩羅什

譯

釋初品中舍利弗因緣第十七

告舍利弗問曰般若波羅蜜是菩薩摩訶薩
法佛何以故告舍利弗而不告菩薩答曰舍
利弗於一切弟子中智慧最第一如佛偈說

一切衆生智以唯除佛世尊

欲比舍利弗

智慧及多聞於十六分中

猶尚不及一

復次舍利弗智慧多聞有大功德年始八歲

誦十八部經通解一切經書義理是時摩伽

陀國有龍王兄弟一名姑利二名阿伽和羅

降雨以時國無荒年人民感之常以仲春之

月一切大集至龍任處爲設大會作樂談義
終此一日自古及今斯集未替遂以龍名以
名此會此日常法敷四高座一爲國王二爲
太子三爲大臣四爲論士介時舍利弗以八
歲之身問衆人言此四高座爲誰敷之衆人
荅曰爲國王太子大臣論士是時舍利弗觀
察時人婆羅門等神情瞻向無勝己者便昇
論床結跏趺坐衆人疑恠或謂愚小無知或
謂智量過人雖復嘉其神異而猶各懷自矜
恥其年小不自與語皆遣年少弟子傳言問
之其荅酬言趣辭理超絕時諸論師歎未曾
有愚智大小一切皆伏王大歡喜即命有司

封一聚落常以給之王乘象輦振鈴告吉宣
示一切十六大國六大城中無不慶悅是時
吉占師子名拘律陁姓大目捷連舍利弗友
而親之舍利弗才明見貴目捷連豪傑最重
此二人者才智相比德行乎同行則俱遊住
則同止少長繾綣結要終始後俱馱世出家

學道作梵志弟子精求道門久而無徵以問
於師師名刪闍耶而荅之言自我求道弥歷
年歲不知爲道果無耶我非其人耶而亦不
得他日其師寢疾舍利弗在頭邊立大目連
在足邊立喘喘然其命將終乃愍尔而笑二
人同心俱問笑意師荅之言世俗無眼爲恩

愛所侵我見金地國王死其大夫人自投火
積求同一處而此二人行報各異生處殊絕
是時二人筆受師意欲以驗其虛實後有金
地商人遠來摩伽陁國二人以疏驗之果如
師語乃憮然歎曰我等非其人耶爲是師隱
我耶二人相與誓曰若先得甘露要畢同味
是時佛度迦葉兄弟千人次遊諸國到王舍
城頓止竹園二梵志師聞佛出世俱入王舍
城欲知消息尔時有一比丘名阿說示五人
著衣持鉢入城乞食舍利弗見其儀服異容
諸根靜默就而問言汝誰弟子師是何人荅
言釋種太子馱耆病死苦出家學道得阿耨

多羅三藐三菩提是我師也舍利弗言汝師
教授爲我說之即荅偈曰

我年旣幼稚

受戒日初淺

豈能演至真

廣說如來義

舍利弗言略說其要尔時阿說示比丘說此
偈言

諸法因緣生

是法說因緣

是法因緣盡

大師如是言

舍利弗聞此偈已即得初道還報目連目連
見其顏色和悅迎謂之言汝得甘露味耶爲
我說之舍利弗即爲其說向所聞偈目連言更
爲重說即復爲說亦得初道二師與二百五

十弟子俱到佛所佛遙見二人與弟子俱來
告諸比丘汝等見此二人在諸梵志前者不
諸比丘言已見佛言是二人者是我弟子中
智慧第一神足第一弟子大衆俱來以漸近
佛既到稽首在一面立俱白佛言世尊我等
於佛法中欲出家受戒佛言善來比丘即時
鬚髮自落法服著身衣鉢具足受成就戒過
半月後佛爲長爪梵志說法時舍利弗得阿
羅漢道所以半月後得道者是人當作逐佛
轉法輪師應在學地現前自入諸法種種具
知是故半月後得阿羅漢道如是等種種功
德甚多是故舍利弗雖是阿羅漢佛以是般

若波羅蜜甚深法爲舍利弗說問曰若尔者
何以初少爲舍利弗說後多爲須菩提說若
以智慧第一故應爲說復何以爲須菩提說
荅曰舍利弗佛弟子中智慧第一須菩提於
弟子中得無諍三昧最第一無諍三昧相常
觀衆生不令心惱多行憐愍諸菩薩者弘大
誓願以度衆生憐愍相同是故命說

復次是須菩提好行空三昧如佛在忉利天
夏安居受歲已還下閻浮提尔時須菩提於
石窟中住自思惟佛從忉利天來下我當至
佛所耶不至佛所耶又念言佛常說若人以
智慧眼觀佛法身則爲見佛中最是時以佛

從初利天下故閻浮提中四部衆集諸天見
人人亦見天坐中有佛及轉輪聖王諸天大
衆衆會莊嚴先未曾有須菩提心念今此大
衆雖復殊特勢不久停摩滅之法皆歸無常
因此無常觀之初門悉知諸法空無有實作
是觀時即得道證介時一切衆人皆欲求先

見佛禮敬供養有華色比丘尼欲除惡名便
化爲轉輪聖王及七寶千子衆人見之皆避
坐起去化王到佛所已還復本身爲比丘尼
最初禮佛是時佛告比丘尼非汝初禮須菩
提最初禮我所以者何須菩提觀諸法空是
爲見佛法身得真供養供養中最非以致敬

生身為供養也。以是故言。須菩提常行空。三昧與般若波羅蜜空相相應。是故佛命令說般若波羅蜜。

復次佛以衆生信敬阿羅漢諸漏已盡。命之為說。衆得淨信。故諸菩薩漏未盡。若以為說。諸人不信。以是故與舍利弗。須菩提共說般若波羅蜜。問曰。何以名舍利弗。為是父母所作。字為是依行功德立名。答曰。是父母所作。名字於閻浮提中第一安樂。有摩伽陀國。是中有大城名王舍。王名頻婆娑羅。有婆羅門論義師名摩陀羅王。以其人善能論。故賜封一邑。去城不遠。是摩陀羅。遂有居家婦生一

女眼似舍利鳥眼即名此女爲舍利次生一
男膝骨麁大名拘鄰羅拘鄰羅秦言大膝也
是婆羅門既有居家畜養男女所學經書皆
已陳故不復業新是時南天竺有一婆羅門
大論義師字提舍於十八種大經皆悉通利
是人入王舍城頭上戴火以銅鑠鑠腹人問其
故便言我所學經書甚多恐腹破裂是故鑠
之又問頭上何以戴火答言以大闇故衆人
言日出照明何以言闇答言闇有二種一曰
日光不照二者愚癡闇蔽今雖有日明而愚
癡猶黑衆人言汝但未見婆羅門摩陀羅汝
若見者腹當縮明當闇是婆羅門逕至鼓邊

打論義鼓國王聞之問是何人衆臣荅言南
天竺有一婆羅門名提舍大論義師欲求論
處故打論鼓王大歡喜即集衆人而告之曰
有能難者與之論義摩陀羅聞之自疑我以
陳故不復業新不知我今能與論不僂俛而
來於道中見二特牛方相觔觸心中作想此
牛是我彼牛是彼以此爲占知誰得勝此牛
不如便大愁憂而自念言如此相者我將不
如欲入衆時見有母人挾一瓶水正在其前
躡地破瓶復作是念是亦不吉甚大不樂旣
入衆中見彼論師顏貌意色勝相具足自知
不如事不獲已與共論義論義旣交便墮負

處王大歡喜大智明人遠入我國復欲爲之
封一聚落諸臣議言一聰明人來便封一邑
功臣不賞但寵語論恐非安國全家之道今
摩陁羅論義不如應奪其封以與勝者若更
有勝人復以與之王用其言即奪與後人是
時摩陁羅語提舍言汝是聰明人我以女妻
汝男兒相累今欲遠出他國以求本志提舍
納其女爲婦其婦懷妊夢見一人身被甲冑
手執金剛摧破諸山而在大山邊立覺已白
其夫言我夢如是提舍言汝當生男摧伏一
切諸論義師唯不勝一人當與作弟子舍利
懷妊以其子故母亦聰明大能論義其弟拘

鄰羅與姊談論每屈不如知姊所懷子必大
智慧未生如是何況出生即捨家學問至南
天竺不暇翦爪讀十八種經書皆令通利是
故時人名為長抓梵志姊子既生七日之後
裹以白氈以示其父其父思惟我名提舍逐
我名字字為憂婆提舍憂婆秦言逐是為父

提舍星名

母作字眾人以其舍利所生皆共名之為舍利
弗弗秦言復次舍利弗世世本願於釋迦文
尼佛所作智慧第一弟子字舍利弗是為本
願因緣名字以是故名舍利弗問曰若尔者
何以不言憂波提舍而但言舍利弗答曰時
人貴重其母於眾女人中聰明第一以是因

緣故稱舍利弗

菩薩摩訶薩欲以一切種智一切法當習行
般若波羅蜜菩薩摩訶薩義如先讚菩薩品
中說問曰云何名一切種云何名一切法答
曰智慧門名爲種有人以一智慧門觀有人
以二三百千萬乃至恒河沙等阿僧祇智
慧門觀諸法今以一切智慧門入一切種觀
一切法是名一切種如凡夫人三種觀欲離
欲離色故觀欲色界麁惡誑惑濁重佛弟子
八種觀無常苦空無我如病如癰如箭入體
惱患是八種聖觀入四聖諦中爲十六行之
四十六者觀苦四種無常苦空無我觀苦因

四種集因緣生觀苦盡四種盡滅妙出觀道
四種道正行跡出入息中復有十六行一觀
入息二觀出息三觀息長息短四觀息遍身
五除諸身行六受喜七受樂八者受諸心行
九無作喜十心作攝十一心作解脫十二觀無
常十三觀散壞十四觀離欲十五觀滅十六
觀棄捨復有六種念念佛種者佛是多陀阿
伽度阿羅呵三藐三佛陀如是等十号五念
如後說世智出世智阿羅漢辟支佛菩薩佛
智如是等智慧知諸法名爲一切種一切法
者識所緣法是一切法所謂眼識緣色耳識
緣聲鼻識緣香舌識緣味身識緣觸意識緣

法眼緣色亦緣眼識耳鼻香舌味身觸亦如是乃
至緣意緣法緣意識是名一切法是爲識所緣法
復次智所緣法是一切法所謂苦智知苦集智知
集盡智知盡道智知道世智知苦集盡道及虛
空非數緣滅是爲智所緣法復次二法攝一切法
色法無色法可見法不可見法有對法無對法有
漏無漏有爲無爲心相應心不相應業相應
業不相應近法遠法等如是種種二法攝一
切法復次三種法攝一切法善不善無記學
無學非學非無學見諦斷思惟斷不斷復有
三種法五衆十二入十八界持如是等種種三
法攝一切法復有四種法過去未來現在法

非過去未來現在法欲界繫法色界繫法無
色界繫法不繫法因善法因不善法因無記
法非因善不善無記法緣緣法緣不緣法緣
緣不緣法非緣緣非緣法如是等四種
法攝一切法有五種法色心心相應心不相
應無為法如是等種種五法攝一切法有六
種法見苦斷法見習盡道斷法思惟斷法不
斷法如是等種種六法乃至無量法攝一切
法是為一切法問曰諸法甚深微妙不可思
議一切衆生尚不能得知何況一人欲盡知
一切法譬如有人欲量大地及數大海水滸
欲稱須弥山欲知虛空邊際如是等皆不可

知云何欲以一切種知一切法。答曰：愚癡闇蔽甚大，若智慧光明最爲樂。一切衆生皆不用苦，但欲求樂，是故菩薩求一切第一大智慧。一切種觀欲知一切法，是菩薩發大心，普爲一切衆生求大智慧。是故欲知一切種一切法，如醫爲一人二人用一種二種藥，則足。

若欲治一切衆生病者，當須一切種藥。菩薩亦如是欲度一切衆生，故欲知一切種一切法。如諸法甚深微妙無量，菩薩智慧亦甚深微妙無量。先答破一切智人中已廣說。如函大蓋亦大，復次若不以理求一切法，則不可得。若以理求之，則無不得。譬如鑽火以木則

火可得。拮薪求火。火不可得。如大地有邊際。非一切智人無大神力。則不能知。若神通力大。則知三千大千世界地邊際。今此大地在金剛上。三千大千世界四邊。則虛空如是。名地邊。欲稱須彌山。亦如是。欲量虛空。非不能量。虛空無法。故不可量。舍利弗白。佛言。世尊。菩薩摩訶薩。云何欲以一切種知一切法。當習行般若波羅蜜。問曰。佛欲說般若波羅蜜。故種種現神變。現已應。即說何以故。今舍利弗問。而後說。答曰。問而後答。佛法應尔。復次。舍利弗。知般若波羅蜜甚深微妙無相之法。難解難知。自以智力種種思惟。若觀諸

法無常是般若耶不是耶不能自了以是故
問復次舍利弗非一切智於佛智慧中譬如
小兒如說阿婆檀那經中佛在祇桓住晡時
經行舍利弗從佛經行是時有鷹逐鴿鴿飛
來佛邊住佛經行過之影覆鴿上鴿身安隱
怖畏即除不復作聲後舍利弗影到鴿便作
聲戰怖如初舍利弗白佛言佛及我身俱無
三毒以何因緣佛影覆鴿鴿便無聲不復恐
怖我影覆上鴿便作聲顫慄如故佛言汝三
毒習氣未盡以是故汝影覆時恐怖不除汝
觀此鴿宿世因緣幾世作鴿舍利弗即時入
宿命智三昧觀見此鴿從鴿中來如是一二

三世乃至八萬大劫常作鴿身過是已往不能復見舍利弗從三昧起白佛言是鴿八萬大劫中常作鴿身過是已前不能復知佛言汝若不能盡知過去世試觀未來世此鴿何時當脫舍利弗即入願智三昧觀見此鴿一二三世乃至八萬大劫未脫鴿身過是已往亦不能知從三昧起白佛言我見此鴿從一世二世乃至八萬大劫未免鴿身過此已往不復能知我不知過去未來齊限不審此鴿何時當脫佛告舍利弗此鴿除諸聲聞辟支佛所知齊限復於恒河沙等大劫中常作鴿身罪訖得出輪轉五道中後得為人經五百

世中乃得利根是時有佛度無量阿僧祇衆
生然後入無餘涅槃遺法在世是人作五戒
優婆塞從比丘聞讚佛功德於是初發心願
欲作佛然後於三阿僧祇劫行六波羅蜜十
地具足得作佛度無量衆生已而入涅槃
是時舍利弗向佛懺悔白佛言我於一鳥尚
不能知其本末何況諸法我若知佛智慧如
是者爲佛智慧故寧入阿鼻地獄受無量劫
苦不以爲難如是等於諸法中不了故問
大智度論釋初品中檀波羅蜜義第十五
佛告舍利弗菩薩摩訶薩以不住法住般若波羅
蜜中以無所捨法具足檀波羅蜜施者受者及財

物不可得故問曰般若波羅蜜是何等法答曰
有人言無漏慧根是般若波羅蜜相何以故
一切慧中第一慧是名般若波羅蜜無漏慧
根是第一以是故無漏慧根名般若波羅蜜
問曰若菩薩未斷結云何得行無漏慧答曰
菩薩雖未斷結行相似無漏般若波羅蜜是

故得名行無漏般若波羅蜜譬如聲聞人行
暖法頂法忍法世間第一法先行相似無漏
法後易得生苦法智忍有人言菩薩有二種
有斷結使清淨有未斷結不清淨斷結清淨
菩薩能行無漏般若波羅蜜問曰若菩薩斷
結清淨復何以行般若波羅蜜答曰雖斷結

使十地未滿未莊嚴佛土未教化衆生是故
行般若波羅蜜復次斷結有二種一者斷三
毒心不著人天中五欲二者雖不著人天中
五欲於菩薩功德果報五欲未能捨離如是
菩薩應行般若波羅蜜譬如長老阿泥盧豆
在林中坐禪時淨愛天女等以淨妙之身來
試阿泥盧豆阿泥盧豆言諸姊作青色來不
用雜色欲觀不淨不能得觀黃赤白色亦復
如是時阿泥盧豆閉目不視語言諸姊遠去
是時天女即滅不現天福報形猶尚如是何况
菩薩無量功德果報五欲又如甄陀羅王與
八萬四千甄陀羅來到佛所彈琴歌頌以供

養佛今時須彌山王及諸山樹木人民禽獸
一切皆舞佛邊大衆乃至大迦葉皆於座上
不能自安是時天鬚菩薩問長老迦葉者
年舊宿行十二頭陀法之第一何以在座不
能自安大迦葉言三界五欲不能動我是菩
薩神通功德果報力故令我如是非我有心
不能自安也譬如須彌山四邊風起不能令
動至大劫盡時毗藍風起如吹爛草以是事
故知二種結中一種未斷如是菩薩等應行般若
波羅蜜是阿毗曇中說復有人言般若波羅蜜是
有漏慧何以故菩薩至道樹下乃斷結先雖有大
智慧有無量功德而諸煩惱未斷是故言菩

薩般若波羅蜜是有漏智慧復有人言從初
發意乃至道樹下於其中間所有智慧是名
般若波羅蜜成佛時是般若波羅蜜轉名薩
婆若復有人言菩薩有漏無漏智慧揔名般
若波羅蜜何以故菩薩觀涅槃行佛道以是
事故菩薩智慧應是無漏以未斷結使事未
成辦故應名有漏復有人言菩薩般若波羅
蜜無漏無爲不可見無對復有人言是般若
波羅蜜不可得相若有若無若常若無常若
空若實是般若波羅蜜非陰界入所攝非
有爲非無爲非法非非法無取無捨不生不
滅出有無四句適無所著譬如火燄四邊不

可觸以燒手故般若波羅蜜相亦如是不可觸以邪見燒故問曰上種種人說般若波羅蜜何者爲實荅曰有人言各各有理皆是實如經說五百比丘各各說二邊及中道義佛言皆有道理有人言末後荅者爲實所以者何不可破不可壞故若有法如毫釐許者皆有過失可破若言無亦可破此般若中有亦無無亦無非有非無亦無如是言說亦無是名寂滅無量無戲論法是故不可破不可壞是名真實般若波羅蜜最勝無過者如轉輪聖王降伏諸敵而不自高般若波羅蜜亦如是能破一切語言戲論亦不有所破復次從

此已後品品中種種義門說般若波羅蜜皆
是實相如是不住法住般若波羅蜜中能具
足六波羅蜜問曰去何名不住法住般若波羅
蜜中能具足六波羅蜜答曰如是菩薩觀一
切法非常非無常非苦非樂非空非實非我
非無我非生滅非不生滅如是住甚深般若

波羅蜜中於般若波羅蜜相亦不取是名不
住法住若取般若波羅蜜相是爲住法住

問曰若不取般若波羅蜜相心無所著如佛
所言一切諸法欲爲其本若不取者去何得
具足六波羅蜜答曰菩薩憐愍衆生故先立
誓願我必當度脫一切衆生以精進波羅蜜

力故雖知諸法不生不滅如涅槃相復行諸
功德具足六波羅蜜所以者何不住法住般
若波羅蜜中故是名不住法住般若波羅蜜
大智度論釋初中讚檀波羅蜜品第十九

問曰檀有何等利故菩薩住般若波羅蜜中檀波
羅蜜具足滿其檀有種種利益檀為寶藏常隨

逐人檀為破苦能與人樂檀為善御開示天道檀

為善府攝諸善人

施攝善人與為
因緣故言攝

檀為安隱臨命

終時心不怖畏檀為慈相能濟一切檀為集樂能

破苦賊檀為大將能伏慳敵檀為妙果天人所愛

檀為淨道賢聖所遊檀為積善福德之門檀為立

事聚眾之緣檀為善行受果之種檀為福業善人

之相檀破貧窮斷三惡道檀能全獲福樂之果
檀爲涅槃之初緣入善人聚中之要法稱譽讚
歎之淵府入衆無難之功德心不悔恨之窟
宅善法道行之根本種種歡樂之林藪富貴
安隱之福田得道涅槃之津梁聖人大士智
者之所行餘人儉德寡識之所效復次譬如
失火之家黠慧之人明識形勢及火未至急
出財物舍雖燒盡財物悉在更修室宅好施
之人亦復如是知身危脆財物無常修福及
時如火中出物後世受樂亦如彼人更修宅
業福慶自慰愚惑之人但知惜屋忽忽營救
狂愚失智不量火勢猛風絕焰土石爲焦翕

嚮之間蕩然夷滅。屋既不救財物亦盡。飢寒凍餓憂苦畢世。慳惜之人亦復如是。不知身命無常。須臾叵保。而更聚斂守護愛惜。死至無期。忽焉逝沒。形與土木同流。財與委物俱棄。亦如愚人憂苦失計。復次大慧之人有心之士。乃能覺悟知身如幻。財不可保。萬物無常。唯福可恃。將人出苦津。通大道。復次大人。大心能大布施。能自利己。小人小心不能益他。亦不自厚。復次譬如勇士見敵。必期吞滅。智人慧心。深得悟理。慳賊雖強。亦能挫之。必令如意。遇良福田。值好時節。時應施之時也。遇而不作。是名失時。覺事應心能大布施。復次好施之人。爲人所

敬如月初出無不愛者好名善譽周聞天下人所
歸仰一切皆信好施之人貴人所念賤人所敬命欲
終時其心不怖如是果報今世所得譬如樹華大
果無量後世福也生死輪轉往來五道無親可恃
唯有布施若生天上人中得清淨果皆由布施象
馬畜生得好歷養亦是布施之所得也布施之德
富貴歡樂持戒之人得生天上禪智心淨無所滯
著得涅槃道布施之福是涅槃道之資糧也
念施故歡喜喜歡喜故一心觀生滅無常故得道
如人求蔭故種樹或求華或求果故種樹布
施求報亦復如是今世後世樂如求蔭聲聞
辟支佛道如華成佛如果是爲檀種種功德

大智度論釋初品中檀相義品第二十

問曰云何名檀答曰檀名布施心相應善思
是名爲檀有人言從善思起身口業亦名爲
檀有人言有信有福田有財物三事和合時
心生捨法能破慳貪是名爲檀譬如慈法觀
衆生樂心生慈布施心數法亦復如是三

事和合心生捨法能破慳貪檀有三種或欲
繫或色界繫或不繫心相應法隨心行共心
生非色法能作緣非業業相應隨業行共業
生非先世業報生二種修應修行修得修二種證
身證慧證若思惟斷若不斷二見斷欲界色界盡
見斷有覺有觀法凡夫聖人共行如是等阿毗曇中

廣分別說復次施有三種有淨有不淨不淨施者愚癡施無所分別或有爲求財故施或愧人故施或爲嫌責故施或畏懼故施或欲求他意故施或畏死故施或誑人令喜故施或自以富貴故應施或諍勝故施或妬瞋故施或憍慢自高故施或爲名譽故施或爲咒願故施或解除衰求吉故施或爲聚衆故施或輕賤不敬施如是等種種名爲不淨施淨施者與上相違復次爲道故施清淨心生無諸結使不求今世後世報恭敬憐愍故是名淨施淨施是趣涅槃道之資糧是故言爲道故施若未得涅槃是施是人天報樂之因如華纓

絡初成未壞香潔鮮明爲涅槃淨施亦復如
是如佛說世有二人爲難得一者出家中非
時解脫比丘二者在家白衣能清淨布施是
淨施相乃至無量世世不失譬如券要終
無失時是布施果因緣和合時便有譬如樹
得時節會便有華葉果實若時節未至有因
而無果是布施法若以求道能與人道何以
故結使滅名涅槃當布施時諸煩惱薄故能
助涅槃於所施物中不惜故除慳敬念受者
故除嫉妬直心布施故除諂曲一心施故除
調深思惟施故除悔觀受者功德故除不恭
敬自攝心故除不慚知人好功德故除不愧

不著財物故除愛慈愍受者故除瞋恭敬受
者故除憍慢知行善法故除無明信有果報
故除邪見知決定有報故除疑如是等種種
不善諸煩惱布施時悉皆薄種種善法悉皆
得布施時六根清淨善欲心生善欲心生故
內心清淨觀果報功德故信心生身心柔軟
故喜樂生喜樂生故得一心得一心故實智
慧生如是等諸善法悉皆得復次布施時心
生相似八正道信布施果故得正見正見中
思惟不乱故得正思惟清淨說故得正語淨身
行故得正業不求報故得正命勤心施故得
正方便念施不廢故得正念心住不散故得

正定如是等相似三十七品善法心中生復
次有人布施是三十二相因緣所以者何施
時與心堅固得足下安立相布施時五事圍
遶受者是眷屬業因緣故得足下輪相大勇
猛力施故得足跟廣平相施攝人故得手足
縵網相美味飲食施故得手足柔軟七處滿
相施以益命故得長指身不曲大直相施時
言我當相與施心轉增故得足趺高毛上向
相施時受者求之一心好聽慇懃約勅令必
疾得故得伊沮延躄相不瞋不輕求者故得
臂長過膝相如求者意施不待言故得陰藏
相好衣服卧具金銀珠寶施故得金色身相

薄皮相布施令受者獨得自在用故得一
孔一毛生眉間白毫相乞者求之即言當與
以是業故得上身如師子肩圓相病者施藥
飢渴者與飲食故得兩腋下滿最上味相施
時勸人行施而安慰之開布施道故得肉髻
相身圓如巨拘盧相有乞求者意欲與時柔

軟實語必與不虛故得廣長舌相梵音聲相
如迦陵毗伽鳥聲相施時如實語利益語故
得師子頰相施時供養受者心清淨故得牙
白齒齊相施時實語和合語故得齒密相四
十齒相施時不瞋不著等心視彼故得青眼
相眼睞如牛王相是為種三十二相因緣復

次以七寶人民車乘金銀燈燭房舍香華布
施故得作轉輪王七寶具足復次施得時故
報亦增多如佛說施遠行人遠來人病人看
病人風寒衆難時施是爲時施復次布施時
隨土地所須施故得報增多復次曠路中施
故得福增多常施不廢故得報增多如求者
所欲施故得福增多施物重故得福增多如
以精舍園林浴池等若施善人故得報增多
若施僧故得報增多若施者受者俱有德故
得報增多種種將迎恭敬受者故得福增多
難得物施故得福增多隨所有物盡能布施
故得福增多譬如大月氏弗迦羅城中有一

畫師名千那到東方多利陀羅國客畫十二年得三十兩金持還本國於弗迦羅城中聞打鼓作大會聲往見衆僧信心清淨即問維那此衆中幾許物得作一日食維那荅曰三十兩金足得一日食即以所有三十兩金付維那爲我作一日食我明日當來空手而歸其婦問曰十二年作得何等物荅言我得三十兩金即問三十兩金今在何所荅言已在福田中種婦言何等福田荅言施與衆僧婦便縛夫送官治罪斷事大官問以何事故婦言我夫狂癡十二年作得三十兩金不憐愍婦兒盡以與他人依如官制輒縛送來大官

問其夫汝何以不供給婦兒乃以與他荅言
我先世不行功德今世貧窮受諸辛苦今世
遭遇福田若不種福後世復貧貧貧相續無
得脫時我今欲頓捨貧窮以是故盡以金施
衆僧大官是優婆塞信佛清淨聞是語已讚
言是爲甚難勤苦得此少物盡以施僧汝是
善人即脫身纓絡及所乘馬并一聚落以施
貧人而語之言汝始施衆僧衆僧未食是爲
穀子未種芽已得生大果方在後耳以是故
言難得之物盡用布施其福最多復次有世
間檀有出世間檀有聖人所稱譽檀有聖人
所不稱譽檀有佛菩薩檀有聲聞檀何等世

間檀凡夫人布施亦聖人作有漏心布施是
名世間檀復次有人言凡夫人布施是爲世
間檀聖人雖有漏心布施以結使斷故名出
世間檀何以故是聖人得無作三昧故
復次世間檀者不淨出世間檀者清淨二種
結使一種屬愛一種屬見爲二種結使所使
是爲世間檀無此二種結使是爲出世間檀
若三礙繫心是爲世間檀何以故因緣諸法
實無吾我而言我與彼取是故名世間檀
復次我無定處我以爲彼彼以爲非彼以爲
我我以爲非以是不定故無實我也所施財
者從因緣合有無有一法獨可得者如綃如

布衆緣合故成除絲除縷則無絹布諸法亦
如是一相無相相常自空人作想念計以爲
有顛倒不實是爲世間檀心無三礙實知法
相心不顛倒是爲出世間檀出世間檀爲聖
人所稱譽世間檀聖人所不稱譽復次清淨
檀不雜諸垢如諸法實相是聖人所稱譽不
清淨雜結使顛倒心著是聖人所不稱譽
復次實相智慧和合布施是聖人所稱譽若
不介者聖人所不稱譽復次不爲衆生亦不
爲知諸法實相故施但求脫生老病死是爲
聲聞檀爲一切衆生故施亦爲知諸法實相故
施是爲諸佛菩薩檀於諸功德不能具足但

欲得少許分是爲聲聞檀一切諸功德欲具足滿是爲諸佛菩薩檀畏老病死故施是爲聲聞檀爲助佛道爲化衆生不畏老病死是爲諸佛菩薩檀是中應說菩薩本生經如說阿婆陁那經中昔閻浮提中有王名婆薩婆亦時有婆羅門菩薩名韋羅摩是國王師教王作轉輪聖王法韋羅摩財富無量珍寶具足作是思惟人謂我爲貴財富無量饒益衆生今正是時應當大施富貴雖樂一切無常五家所共令人心散輕躁不定譬如獼猴不能暫住人命逝速疾於電滅人身無常衆苦之藪以是之故應行布施如是思惟已自作

手疏普告閻浮提諸婆羅門及一切出家人
願各屈德來集我舍欲設大施滿十二歲飯
汁行舩以酪為池米麵為山酥油為渠衣服
飲食卧具湯藥皆令極妙過十二歲欲以布
施八萬四千白象犀甲金飾珞以名寶建大
金幢四寶莊嚴八萬四千馬亦以犀甲金飾
四寶校絡八萬四千車皆以金銀琉璃頗瓔
寶飾覆以師子虎豹之皮若白劔婆羅寶幟
雜飾以為莊嚴八萬四千四寶牀雜色紈綖
種種茵蓐柔軟細滑以為校飾丹枕錦被置
牀兩頭妙衣盛服皆亦備有八萬四千金鉢
盛滿銀粟銀鉢盛金粟琉璃鉢盛玻瓈粟玻

璚鉢盛琉璃粟八萬四千乳牛牛出乳一斛
金飾其跣角衣以白氎八萬四千美女端正
福德皆以白珠名寶纓珞其身略舉其要如
是種種不可勝記尔時婆羅婆王及八万四
千小國王并諸臣民豪傑長者各以十萬舊
金錢贈遺勸助設此法祠具足施已釋提婆
那民來語韋羅摩菩薩說此偈言

天地難得物

能喜悅一切

汝今皆已得

為佛道布施

尔時淨居諸天現身而讚說此偈言

開門大布施

汝所為者是

憐愍衆生故

為之求佛道

是時諸天作是思惟我當閉其金瓶令水不
下所以者何有施者無福田故是時魔王語
淨居天此諸婆羅門皆出家持戒清淨入道
何以乃言無有福田淨居天言是菩薩爲佛
道故布施今此諸人皆是邪見是故我言無
“有福田魔王語天言云何知是人爲佛道故
布施是時淨居天化作婆羅門身持金瓶執
金杖至韋羅摩菩薩所語言汝大布施難捨
能捨欲求何等欲作轉輪聖王七寶千子王
四天下耶菩薩荅言不求此事汝求釋提婆
那民爲八十那由他天女主耶荅言不汝求
六欲天主耶荅言不汝求梵天王主三千大

千世界爲衆生祖父耶荅言不汝欲何所求
是時菩薩說此偈言

我求無欲處

離生老病死

能度諸衆生

求如是佛道

化婆羅門問言布施主佛道難得當大辛苦
汝心軟串樂必不能求成辦此道如我先語

轉輪聖王釋提婆那民六欲天王梵天王是

易可得不如求此菩薩荅言汝聽我一心誓

假令熱鐵輪

在我頭上轉

一心求佛道

終不懷悔恨

若使三惡道

人中無量苦

一心求佛道

終不爲此轉

化婆羅門言布施主善哉善哉求佛如是便讚偈言

汝精進力大 慈愍於一切 智慧無罣礙
成佛在不久

是時天雨衆華供養菩薩諸淨居天閉瓶水
者即隱不現菩薩是時至娑羅門上座前以
金瓶行水水閉不下衆人疑恠此種種大施
一切具足布施主人功德亦大今何以故瓶
水不下菩薩自念此非他事將無我心不清
淨耶得無施物不具足乎何以致此自觀祠
經十六種書清淨無瑕是時諸天語菩薩言
汝莫疑悔汝無不辦是諸娑羅門惡邪不淨
故也即說偈言

是人邪見網 煩惱破正智 離諸清淨戒

唐苦墮異道

以是故水閉不下如是語已忽然不現尔時六
欲天放種種光明照諸衆會語菩薩而說偈言
惡邪海中行 不順汝正道 諸受施人中
無有如汝者

說是語已忽然不現是時菩薩聞說此偈自
念會中實自無有與我等者水閉不下其將
爲此即說偈言

若有十方天地中

諸有好人清淨者

我今歸命稽首禮

右手執瓶灌左手

而自立願我一人

應受如是大布施

是時瓶水涌在虛空從上來下而灌其左手是

時婆羅婆王見是感應心生恭敬而說偈言
大婆羅門主 清琉璃色水 從上流注下
來墮汝手中

是時大婆羅門衆恭敬心生合手作禮歸命
菩薩菩薩是時說此偈言

今我所布施 不求三界福 爲諸衆生故

以用求佛道

說此偈已一切大地山川樹木皆六反震動
韋羅摩本謂此衆應受供養故與旣知無堪
受者今以憐愍故以所受物施之如是種種
檀本生因緣是中應廣說是爲外布施云何
名內布施不惜身命施諸衆生如本生因緣

說釋迦文佛本爲菩薩爲大國王時世無佛
無法無比丘僧是王四出求索佛法了不能
得時有一婆羅門言我知佛偈供養我者當
以與汝王即問言索何等供養荅曰汝能就
汝身上破肉爲燈炷供養我者當以與汝王
心念言今我此身危脆不淨世世受苦不可
復數未曾爲法今始得用甚不惜也如是念
已喚旃陀羅遍割身上以作燈炷而以白麤
纏肉酥油灌之一時遍燒舉身火然乃與一
偈又復釋迦文佛本作一鵠在雪山中時大
雨雪有一人失道窮厄辛苦飢寒并至命在
頃臾鵠見此人即飛求火爲其聚薪然之又

復以身投火施此飢人如是等頭目髓腦給施
衆生種種本生因緣經此中應廣說如是等種
種是名內布施如是內外布施無量是名檀相
大智度論釋初品中檀波羅蜜法施第二十一
問曰云何名法布施荅曰有人言常以好語
有所利益是爲法施復次有人言以諸佛語

妙善之法爲人演說是爲法施復次有人言
以三種法教人一修妬路二毗尼三阿毗曇
是爲法施復次有人言以四種法藏教人一
修妬路藏二毗尼藏三阿毗曇藏四雜藏是
爲法施復次有人言略說以二種法教人一
聲聞法二摩訶衍法是爲法施問曰如提婆

達呵多等亦以三藏四藏聲聞法摩訶衍法
教人而身入地獄是事云何荅曰提婆達邪
見罪多呵多妄語罪多非是爲道清淨法施
但求名利恭敬供養惡心罪故提婆達生入
地獄呵多死墮惡道復次非但言說名爲法
施常以淨心善心以教一切是名法施譬如
財施不以善心不名福德法施亦尔不以淨
心善思則非法施復次說法者能以淨心善
思讚歎三寶開罪福門示四真谛教化衆生
今入佛道是爲真淨法施復次略說法有二
種一者不惱衆生善心慈愍是爲佛道因緣
二者觀知諸法真空是爲涅槃道因緣在伏

衆中興愍衰心說此二法不爲名聞利養恭敬是爲清淨佛道法施如說阿輸伽王一日作八萬佛畷雖未見道於佛法中少有信樂日日請諸比丘入宮供養日日次第留法師說法有一三歲年少法師聰明端正次應說法在王邊坐口有異香王甚疑恠謂爲不端欲以香氣動王宮人語比丘言口中何等開口看之即爲開口了無所有與水令漱香氣如故王問大德新有此香舊有之耶比丘荅言如此久有非適今也又問有此久如以偈荅曰

迦葉佛時集此香法如是久久常若新出

王言大德略說和解為我廣演荅曰王
心善聽我說我昔於迦葉佛法中作說法比
丘常在大眾之中歡喜演說迦葉世尊無量
功德諸法實相無量法門慇懃讚講教誨一
切自是以來常有妙香從口中出世世不絕
恒如今日而說此偈

草木諸華香

此香氣超絕

能悅一切心

世世常不滅

于時國王愧喜交集白比丘言未曾有也說
法功德大果乃尔比丘言此名為華未是果
也王言其果云何願為演說荅言果略說有
十王諦聽之即為說偈

大名聞端正

得樂及恭敬

威光如日明

為一切所愛

辯才有大智

能盡一切結

苦滅得涅槃

如是名為十

王言大德讚佛功德云何而得如是果報

時比丘以偈答曰

讚佛諸功德

令一切普聞

以此果報故

而得大名譽

讚佛實功德

令一切歡喜

以此功德故

世世常端正

為人說罪福

令得安樂所

以此之功德

受樂常歡豫

讚佛功德力

令一切心伏

以此功德故

常獲恭敬報

顯現說法燈

照悟諸衆生

以此之功德

威光如日曜

種種讚佛德

能悅於一切 以此功德故 常為人所愛

巧言讚佛德 無量無窮已 以此功德故

辯才不可盡 讚佛諸妙法 一切無過者

以此功德故 大智慧清淨 讚佛功德時

令人煩惱薄 以此功德故 結盡諸垢滅

二種結盡故 涅槃身已畢 譬言如澍大雨

火滅無餘熱

重告王言若有未悟今是問時當以智箭破

汝疑軍王白法師我心悅悟無所疑也大德

福人善能讚佛如是等種種因緣說法度人

名為法施問曰財施法施何等為勝荅曰如

佛所言二施之中法施為勝所以者何財施

果報在欲界中法施果報或在三界或出三界復次財施有量法施無量財施有盡法施無盡譬如以薪益火其明轉多復次財施之報淨少垢多法施之報垢少淨多復次若作大施必待衆力法施出心不待他心復次財施能令四大諸根增長法施能令無漏根力覺道具足復次財施之法有佛無佛世間常有如法施者唯有佛世乃當有耳是故當知法施甚難云何爲難乃至有相辟支佛不能說法直行乞食飛騰變化而以度人復次從法施中能出生財施及諸聲聞辟支佛菩薩及佛復次法施能分別諸法有漏無漏法色

法無色法有爲無爲法善不善無記法常法
無常法有法無法一切諸法實相清淨不可
破不可壞如是等法略說則八萬四千法藏
廣說則無量如是等種種皆從法施分別了
知以是故法施爲勝是二施和合名爲檀行
是二施願求作佛則能令人得至佛道何況
其餘問曰四種捨名爲檀所謂財捨法捨無
畏捨煩惱捨此中何以不說二種捨答曰無
畏捨與尸羅無別故不說有般若故不說煩
惱捨若不說六波羅蜜則應具說四捨

姑利 乙上渠 自矜 陵下居 舉 音音 一 韻 繾綣 下上音 遣

反 刪 反所 姦 炙 字亦 寢 反七 錦 喘 反昌 軟 咲笑 非二 同 正上

積 反子 智 以 疏 助下 所 憺然 武上 音 嘿默 墨二 音 幼稚

下 直 抓 反之 巧 惚惱 反二 同 奴 老 相相 下上 去 聲 拘

利 反 諸 下 田 之 反 紕 竺 音 銅 鑠 下音 蔽 反必 祭 逕 經 舊 音 正

反 古 定 備俛 下上 音 弥 忍 反 觥 挾 叶音 躡 反毗 益 奪奪

二 同 徒 女 妻 下七 懷 妊 下而 甲 曹 又下 直 豕 首

反 短 棄 字弃 涖 細反 滴 欲 稱 今下 尺 證 反 鑽 反子 官

枿 薪 上擊 先 晡 反必 蒲 慄 反良 吉 齊 限 聲上 去 瞞 甄

阝 上 音 真 又 鬚 音 耆 反渠 移 毗 藍 下郎 薩 婆 若

下 而 揔 揔 字二 同 俗 作 物 適 無 的音 火 炎 作下 正

毫 釐 正下 力 之 反 斲 斲 反徒 的 善 府 說文 府 淵 反烏 懸

林藪下音黠反閑八脆反七歲恣反七紅焦反子消集

嚮下上許呼及反詎音恃音挫上之則券要要願上丘腋反

邀音柔濡下反軟古作根跟音縵網上官反莫時踣軟腋反

亦音拘拘二同音頰反古叶眼映下音接車乘去下

聲月氏下音榮音穀正尋礙二蓋反同吾系正作絲作

縷反力主躁反則到犀甲上音韃憶上二非同香下正偃反

統延上於阮反茵蓐二孳音斛反胡谷踰角音

甲蒙傑上音毫下贈遺聲去祠音王四聲上去

申樂上患古奇音列反燈炷下音衍音名聞下音漱

瘦音樹注音大智度論十一卷德

